

Сочинение

Дила шила гъалабла гІядат



Шел тІуй тІерхъа
ЦацІали бурцу.
Халкъла бурала

Дигахъира наб дила Вихърила шиличила дахъал назмурти, хабурти делкІес. Амма агара дила илгъуна бареси пагъ. БелкІес дигулра ца гъалабла заманала гІядатличила. Бахъ давла- чебси буилигу нушала Вихърила халкъла мухІлила творчесво. Иличила наб бекІес дигнила ца гъатІи сабаб леб. Дила хала неш гъалабла замана детауртачила хабурта ругъули рирар. ЦацехІи гъанбиркур, ит заманала халкъ дебали чебетаили хІянчили биркъути, секІал балути буили саби или.

ГъаннакІун «интернет» леб лебилралис кумекбкІуси. Бурис ца ишгъуна гІядатличила.

Хъунул- мурул адамтала палтар дебали мискин – тидуили сари, сенахІенну някъли чуни дирути дуили сари: гІячулизирад чІянкІи, кабцла дабри, гулила хІякни.

Илдас бикІулри «тулакъи», къачалай». Муйлала чеди сабурцусилис «валжагъ» бикІули сабри. Хъунрала кІунби гІячулизирад дарибти дири.

Илдигъунти палтар дуили сари микинтала.

Амма давлачебтала палта декІдурхъати дуили сари. Илдигъунти палтар асахъес ца нушала шан Азербайджа мез далуси ГІярабихъа жинсла мурул адамлис бикІулибуили саби.

Рурси шерри лугухІелира, жагати секІал асахъес бигули буили саби. Давлачебтани мисктн дурхІяс рурси лугули руили ахІен. Хала нешли ишгъуна буриб.

«Сен лугуси рурси хІушаб, къакъба хІусбухъедцад хъу агарти, къянаяра кабиалра галга агарти, гъалбецІгъуунти рурсби хъули кабатурти, ца къурушгъуна хъа бегІтас», - ирули буили саби нешл мискинти сукни бакІалли.

Чекабизур «лугърала» жинсла дурхІяс рурси хІелугули, рурси дурхІяс катхІерирули буили саби.

Дигай ибси девсеналра мучлабирули буили ахІен.

Лебилра шантани хъули дегІутири ва хІяйванти хІердирутири. Хъумачи белгІулри гІячу ва урбаш, сенахІенну илдазирад някъли чІянкІи палтарлис, кІунбас, тІузлис чІянкІбас, билхалис дирутири. Ил. хІянси дебали къяянси саби. Мискинти, хъу биштІасила бегІти, хІяйванти, маза камти, давлачебтачиб бузули буили саби. Амма рикІи хала неш: «Гъалаб халкъла ургар диги имцІали дири, хІурмат цала ца халаси бири, ца юртлизиб кІел – хІябал узила хъалибарг кадурци, гъанагъунти илбиси хІебири». Гъаана халкъла даража гІяхІбухъи саби давлачебли саби, амма, пикрили, уктемли саби. Сен- биалра гІямал бетари, дявти хІедиули лебилра дунъяла халкъ хІербиубли даршули калалри.

Дерхъаб халкъла гІямру!